

19. " Ecce, perinde ac animi mei desiderium, sic currus cœlestis procedit
" modo in deorum, modo in nubium, modo in avium via.
20. " Iste ætheris ventus, odorem fundens liquoris, e magni *INDRÆ*
" elephantī temporibus stillantis, et fluvii triplicis undarum contactu
" frigidus, delambit sudoris guttas, in facie tua recentis diei calore ortas.
21. " Hæc nubes, coruscante fulmine quasi armilla ornata, a te, ira-
" cunda, per jocum tacta manu fenestræ innixa, alterum quasi ornamen-
" tum tibi præbet.
22. " Hi eremitæ, cortice induti, *Dandakam* sylvam periculis liberam
" cognoscentes, pro suo quisque loco occupant eremorum regiones, diu
" desertas, novis casis constructis.
23. " Ista est illa regio, ubi, cum te quærerem, in terram lapsum con-
" spiciebam pedis annulum, præ dolore quasi ob sejunctionem a pedis tui
" loto, silentium tenentem.
24. " Qua via tu, timida, a *Rákshaso* abducta eras, eam istæ plantæ
" repentes, misericordi animo, cum loqui non valerent, indicabant mihi
" ramis suis, quorum surculi infracti erant.
25. " Cervæ etiam, graminis culmos haud respicientes, certiore facie-
" bant me, itineris tui inscium, oculos ad meridiem convertentes, elata
" ciliorum serie.
26. " Istud ante nos apparet *Mályavantis* montis cacumen, æthera tan-
" gens, ubi novam aquam effundebant nubes, ego vero eodem tempore
" lacrymas ob separationem a te :
27. " Ubi sine te ferre non poteram lacuum, pluviae guttis rigatorum,
" odorem, neque *kadambæ* flores, semiapertis foliis præditos, nec dulces
" pavonum clamores :
28. " Atque ubi ego, occultationum memor, quibus tu, timida, ut me
" vexares, antea gavisā erat, vix tolerabam nubium strepitum, e cavernis
" resonantem :
29. " Ubi torquebat me oculorum tuorum, ignis matrimonialis fumo
" nigrorum, pulchritudo, quam, dum terra, imbre rigata, vapore tegebatur,
" calicibus apertis imitabantur fungi.